

IZVJEŠTAJ O RADU

**Ministarstva prostornog uređenja i zaštite okolice
za period 01.01.- 31.12.2010. godine**

Tuzla, januar 2010. godine

I U V O D

Zakonom o ministarstvima i drugim organima uprave Tuzlanskog kantona utvrđene su nadležnosti Ministarstva prostornog uređenja i zaštite okolice, te je ovo Ministarstvo svoje poslove u 2010. godini izvršavalo u okvirima propisanih nadležnosti.

Ministarstvo je organizovano na način da su se poslovi obavljali kroz dva odjeljenja, te Odjel službenika i namještenika neposredno odgovornih ministru:

- **Odjeljenje prostornog uređenja i građenja**
- **Odjeljenje zaštite okolice i prirode**

Zakonom o ministarstvima i drugim organima uprave Tuzlanskog kantona, predviđeno je da Ministarstvo u svom sastavu ima i jednu upravnu organizaciju i to:

- **Zavod za prostorno planiranje i urbanizam**

Nakon usvajanja Prostornog plana Tuzlanskog kantona za period 2005. - 2025. godine i Odluke o provođenju Prostornog plana za područje Tuzlanskog kantona za period 2005. - 2025. godine formiran je Zavod za prostorno planiranje i urbanizam koji u sastavu Ministarstva djeluje od 01.10.2007. godine.

Prikazano po odjeljenjima, uključujući i Zavod za prostorno planiranje i urbanizam, aktivnosti Ministarstva u 2010. godini su se odvijale na slijedeći način:

II ODJELJENJE PROSTORNOG UREĐENJA I GRAĐENJA

U izvještajnom periodu u ovom Odjeljenju vođene su aktivnosti na izradi zakonske regulative, rješavanju upravnih predmeta u drugostepenom upravnom postupku, postupanju u prvostepenom upravnom postupku, odnosno izdavanju urbanističko-tehničke dokumentacije (urbanistička saglasnost, odobrenje za građenje i upotrebna dozvola) za objekte iz nadležnosti Ministarstva, te izradi stručnih ocjena u postupku izdavanja urbanističkih saglasnosti za objekte iz nadležnosti Federalnog ministarstva prostornog uređenja i ovog Ministarstva i sl.

1. Priprema zakonskih i podzakonskih akata iz oblasti prostornog uređenja i građenja

Programom rada za 2010. godinu, u oblasti zakonske regulative, predviđeno je da se donese jedinstven Zakon o prostornom uređenju i građenju.

U saradnji sa sekretarom Ministarstva i Zavodom za prostorno planiranje i urbanizam, kontinuirano je vršena priprema i izrada Nacrta Zakona o prostornom uređenju i građenju Tuzlanskog kantona. Održano je niz sastanaka sa predstavnicima općinskih službi, predstavnicima Kantonalne privredne komore, privrednih društava itd, na kojima se raspravljalo o navedenom propisu, te se dolazilo do konkretnih prijedloga, koji su uvršteni, u određenim dijelovima, u Nacrt Zakona.

Predviđena izmjena propisa zasnivala se, pored spajanja dva postojeća kantonalna Zakona (Zakon o prostornom uređenju i Zakon o građenju) u jedinstveni Zakon, na usklađenosti sa Federalnim Zakonom o prostornom planiranju i korištenju zemljišta na nivou Federacije Bosne i Hercegovine, jer su novom izmjenom i dopunom federalnog propisa određene nadležnosti prebačene na kantone, preciznijem definisanju izbora, strukture i rada komisije u postupku izdavanja urbanističke saglasnosti na nivou općina, uvođenjem zoning plana kao obaveznog

dokumenta prostornog uređenja, preciznijem definisanju prava i obaveza učesnika u izgradnji (izvođača, nadzornih organa, projekatanta, ...) i dr.

Nacrt Zakona je razmatran i prihvaćen na sjednici Skupštine Tuzlanskog kantona održanoj dana 12.04.2010. godine. Otvorena je javna rasprava o Nacrtu Zakonu u trajanju od 90 dana. U sklopu javne rasprave, u skladu sa Programom javne rasprave, organizovani su sastanci sa svim općinama, Privrednom komorom i drugim zainteresovanim subjektima, prezentiran je Nacrt Zakona, davani su odgovori na sva postavljena pitanja kao i tumačenja pojedinih članova Zakona, posebno onih koje predstavljaju značajne novine u odnosu na raniji Zakon, pripremljena je i internet prezentacija koja je omogućavala svakom zainteresovanom subjektu upoznavanje sa Nacrtom Zakona i davanje prijedloga i sugestija i putem interneta. Nakon provedene javne rasprave, urađena je analiza svih prikupljenih primjedbi i sugestija, te je na osnovu navedenog, urađen Izvještaj o rezultatima javne rasprave sa odgovorima na sva postavljena pitanja.

Vlada Kantona je Odlukom o utvrđivanju prijedloga Zakona broj: 02/1-02-1497/10, isti prihvatila na sjednici održanoj dana 15.07.2010. godine i uputila ga Skupštini Tuzlanskog kantona na razmatranje i donošenje. Uz Zakon, Skupštini je dostavljen i Izvještaj o rezultatima javne rasprave koji sadrži sve podnesene primjedbe, prijedloge i mišljenja dostavljena Ministarstvu, te stavovi Ministarstva po svakoj primjedbi.

I pored navedenog, na sjednici Skupštine Tuzlanskog kantona održanoj dana 28.07.2010. godine, dogovoreno je, prije otvaranja pretresa, da se prijedlog Zakona povuče sa dnevnog reda, a da se do slijedeće sjednice Skupštine Tuzlanskog kantona još jednom usaglase stavovi sa Kantonalnom privrednom komorom, odnosno Udruženjem za građevinarstvo i industriju građevinskog materijala, te da se pripremi izjašnjenje o istom.

Stavovi sa navedenom institucijom su usaglašeni na sastanku održanom dana 10.08.2010. godine, te u pismenoj formi, zajedno sa izjašnjenjem na pristigle amandmane, upućeni Skupštini Kantona 30.08.2010. godine na razmatranje.

Iako je navedeni zakon utvrđen u formi prijedloga, do danas nije usvojen iz razloga što Skupština njegovo razmatranje nije više stavila u svoj dnevni red.

Ministarstvo prostornog uređenja i zaštite okoliće kontinuirano je, takođe, pratilo efekte primjene Zakona o uslovima i postupku legalizacije bespravno izgrađenih građevina, te je, postupajući po prijedlozima više općina i Zaključku Skupštine Kantona, pripremlilo tekst izmjena i dopuna navedenog Zakona, koji takođe, u skladu sa usmenim dogovorom sa predstavnicima Skupštine Kantona, nije stavljen u skupštinsku proceduru.

Ističemo da je Ministarstvo prostornog uređenja i zaštite okoliće, imajući u vidu da se radi o potpuno novom propisu, kontinuirano pratilo provedbu spomenutog Zakona, na način održavanja stalnog kontakta i konsultacija sa svim općinama Tuzlanskog kantona, redovnim održavanjem sastanaka sa predstavnicima nadležnih općinskih službi, a u cilju prikupljanja što većeg broja informacija o dosadašnjim efektima primjene navedenog propisa.

2. Poslovi vezani za praćenje provedbe Prostornog plana Tuzlanskog kantona za period 2005 – 2025 godine

Značajan dio aktivnosti Odjeljenja u izvještajnom periodu odvijao se kroz učešće na praćenju provedbe i realizacije Prostornog plana Tuzlanskog kantona za period 2005. – 2025. godine zajedno sa Odlukom o provođenju Prostornog plana Tuzlanskog kantona za period 2005. – 2025. godine i donošenju prostornih planova općina s područja Tuzlanskog kantona, kao i detaljnih dokumenata prostornog uređenja.

U sklopu vođenih aktivnosti izdato je 7 stručnih ocjena o mogućnosti izdavanja Rješenja o urbanističkoj saglasnosti Federalnom ministarstvu prostornog uređenja i Ministarstvu prostornog uređenja Tuzlanskog kantona, a za korištenje pojedinačnih lokacija sa utvrđenim namjenama u Prostornom planu Tuzlanskog kantona. Stručne ocjene su izdavane za privredne objekte, kao i za eksploataciju mineralnih sirovina (pitka voda, kvarcni pijesak, kamen krečnjak).

3. Upravni postupak

U 2010. godini (u izvještajnom periodu 01.01. – 31.12.2010. godine), ukupno je primljeno 25 zahtjeva za izdavanje urbanističko-tehničke dokumentacije, a iz prethodne godine preneseno je 23 predmeta (rješavanja u prvostepenom postupku) što ukupno čini 48 predmeta. Riješeno je 33 zahtjeva i to na način da je 21 zahtjev usvojen, 3 zahtjeva su odbijena, 5 zahtjeva je odbačeno i 4 postupaka su obustavljena. Preostalih 15 predmeta su u radu, stranke su uključene u postupak rješavanja po zahtjevu i za sve je zatražena dopuna.

U 2010. godini, rješavajući u drugostepenom postupku u oblasti prostornog uređenja i građenja (u izvještajnom periodu 01.01. – 31.12.2010. godine) primljeno je 204 predmeta, a iz prethodne godine prenesena su 4 predmeta, što ukupno čini 208 predmeta. Od toga broja riješeno je 195 predmeta (4 odbačene žalbe, 141 odbijena žalba i 50 uvaženih žalbi), a 13 predmeta su u postupku rješavanja. Također je podneseno i 35 tužbi za pokretanje upravnog spora protiv rješenja ovog Ministarstva od kojih je, do dana podnošenja izvještaja, riješeno njih 44 (riješene su i dostavljene u izvještajnom periodu i 32 tužbe iz prethodnih godina) i to na način da je 30 tužbi odbijeno, 13 je uvaženo, a za jednu tužbu postupak je obustavljen (za prethodni period 21 tužba je odbijena i 11 je uvaženo).

4. Ostale aktivnosti Odjeljenja

Pored aktivnosti koje proizilaze iz nadležnosti Ministarstva, u ovoj oblasti u izvještajnom periodu službenici Odjeljenja uzeli su aktivno učešće i na sljedećim zadacima:

- vršena je stalna koordinacija sa općinama u interesu efikasnije primjene zakonskih propisa, te vršene analize o trenutnom stanju u oblasti prostornog uređenja. Od strane Ministarstva upućeni su brojni dopisi općinama koji su vezani za tumačenje aktuelnih zakonskih propisa vezanih za prostorno uređenje i građenje,
- provedena je procedura i izvršen izbor stručnih lica za rad u komisijama za tehnički pregled građevina iz nadležnosti Ministarstva,
- pripremani su odgovori na poslanička pitanja iz oblasti prostornog uređenja i građenja, a također je pripremana dokumentacija i vršena provjera određenih navoda potrebna za rad skupštinske Komisije za borbu protiv korupcije,
- ostvarivana je kontinuirana saradnja sa strankama,
- davani su prijedlozi, primjedbe i sugestije Federalnom ministarstvu prostornog uređenja kod izrade federalnih zakonskih i podzakonskih akata.
- kontinuirano je vršena pomoć općinama kod izrade razvojnih i provedbenih planskih akata na način dostavljanja raspoložive dokumentacije, kao i učestvovanja predstavnika Ministarstva u radu Savjeta za izradu razvojnih i provedbenih planskih akata u općinama.

III ODJELJENJE ZAŠTITE OKOLICE I PRIRODE

Odjeljenje zaštite okoline i prirode je u izvještajnom periodu svoje aktivnosti usmjerilo na obavljanje poslova iz nadležnosti Odjeljenja, a u skladu sa Programom rada Ministarstva za 2010. godinu.

1. Usklađivanje zakonske regulative

Usvajanjem Zakona o proglašenju dijela područja planine Konjuh zaštićenim pejzažom „Konjuh“ od strane Skupštine Tuzlanskog kantona na sjednici od 9.11.2009. godine, učinjen je veliki korak u pravcu poboljšanja kvaliteta okoline, odnosno približavanja evropskim standardima u ovoj oblasti, ali su stvorene i obaveze u donošenju akata koji proizilaze iz ovog zakona a koji su potrebni za njegovo provođenje. Tako je Ministarstvo pripremilo Zakon o osnivanju Javne ustanove Zaštićeni pejzaž „Konjuh“ te uputilo Vladi Kantona, koja je dana 3.9.2010. godine utvrdila Nacrt Zakona i uputila Skupštini na razmatranje. Na septembarskoj sjednici Skupštine, nakon glasanja poslanika Skupštine Kantona, Zakon nije dobio potrebnu većinu.

Nakon usvajanja Budžeta Tuzlanskog kantona za 2010. godinu, 16.4.2010. godine, donesen je Program raspodjele namjenskih sredstava Ministarstva prostornog uređenja i zaštite okoline za 2010. godinu, na koji je Vlada Kantona dala saglasnost uz prethodno pribavljeno mišljenje Komisije za poljoprivredu, vodoprivredu, šumarstvo i zaštitu okoline Skupštine Tuzlanskog kantona.

Donošenje Kantonalnog plana zaštite okoline i Izmjena i dopuna plana interventnih mjera u slučajevima prekomjernog zagađenja zraka planirani su u ovisnosti od blagovremenog donošenja federalnih dokumenata i provedbenih propisa. Obzirom da se to nije desilo, njihovo donošenje se prolongira za iduću godinu.

2. Vođenje upravnog postupka

U 2010. godini, u izvještajnom periodu 01.01.2010. – 31.12.2010. godine, ukupno je u postupku izdavanja okolinskih dozvola za pogone i postrojenja primljeno 130 zahtjeva za izdavanje okolinskih dozvola, od čega je riješeno 96, a u postupku rješavanja je još 34 zahtjeva. Postupci izdavanja okolinskih dozvola provode se u skladu sa Zakonom o zaštiti okoline („Službene novine Tuzlanskog kantona”, broj: 33/03 i 38/09) i provedbenim federalnim i kantonalnim propisima uz obavezno učešće javnosti koje traje 30 dana od dana objavljivanja javnog poziva. Za pogone i postrojenja za koje je obavezna izrada Plana aktivnosti sa mjerama i rokovima za postupno smanjenje emisija, odnosno zagađenja i za usaglašavanje sa najboljom raspoloživom tehnikom, kontrolu podataka i ocjenu mjera i aktivnosti utvrđenih u Planu obavlja stručna komisija Ministarstva prostornog uređenja i zaštite okoline.

Takođe je primljen i jedan zahtjev za izdavanje dozvole za upravljanje otpadom čije rješavanje je u toku.

Izdana su dva stručna mišljenja, na zahtjev privrednog subjekta u postupku izdavanja okolinske dozvole kod federalnog ministarstva, a primljena su 3 zahtjeva za izdavanje rješenja za obavljanje stručnih poslova mjerenja buke od čega su 2 završena izdavanjem rješenja, a jedan je odbijen.

3. Procjena stanja kvaliteta okoline

Procjena stanja kvaliteta okoline kontinuirano se vršila u jednom segmentu koji se odnosi na zrak. Na osnovu rezultata mjerenja Sistema za praćenje kvaliteta zraka na području Tuzlanskog kantona, redovno su rađeni izvještaji o stanju kvaliteta zraka.

Kantonalni plan zaštite okoline, koji je trebao sadržavati prikaz stanja kvaliteta okoline, nije donesen, jer je usvajanje Kantonalnog plana uslovljeno usvajanjem Federalne strategije zaštite okoline sa kojom mora biti usklađen. Federalna strategija zaštite okoline je usvojena krajem 2009. godine, ali bez Federalne strategije zaštite voda koja je sastavni dio navedene strategije. Federalno ministarstvo poljoprivrede, vodoprivrede i šumarstva nadležno je za pripremu prijedloga strategije upravljanja vodama uz saglasnost federalnog ministarstva nadležnog za okolicu.

Za postojeće pogone i postrojenja za koje Ministarstvo izdaje okolinske dozvole, dostavljaju se Planovi aktivnosti koji sadrže studije o zagađenosti u nultom stanju. Studija o zagađenosti u nultom stanju obrađuje trenutno stanje okoline na datoj lokaciji, popis mjesta nastanka i kvantitativne i kvalitativne pokazatelje svih otpadnih tokova.

U skladu sa Pravilnikom o registrima postrojenja i zagađivanjima ("Službene novine Federacije BiH, broj: 82/07) pogoni i postrojenja za koje je Ministarstvo izdalo okolinske dozvole (operatori postrojenja kategorije B) u obavezi su da dostave godišnji izvještaj o postrojenjima – zagađivačima.

4. Vođenje Sistema za praćenje kvaliteta zraka i izvještavanje o rezultatima mjerenja

Doprinos poboljšanju kvaliteta okoline na području Tuzlanskog kantona ostvaren je redovnim praćenjem i izvještavanjem o stanju kvaliteta zraka putem Sistema za praćenje kvaliteta zraka na području Tuzlanskog kantona. Vođenje Sistema za praćenje kvaliteta zraka i izvještavanje o rezultatima mjerenja vršeno je na slijedeći način:

- praćenjem sistematskih parametara i ekoloških parametara na Sistemu za praćenje kvaliteta zraka i izvještavanjem o istim,
- izvještavanjem o utvrđenim rezultatima mjerenja pojedinih pokazatelja kvaliteta zraka,
- izradom analiza i izvještaja o ekološkim i meteorološkim parametrima postojećeg Sistema,
- vođenjem evidencije o potrošnji električne energije i telefonskih usluga za Sistem za praćenje kvaliteta zraka i vođenje evidencije o potrošenim rezervnim dijelovima.

5. Raspodjela namjenskih sredstava iz ekoloških naknada

Raspodjela namjenskih sredstava iz ekoloških naknada vršena je na osnovu donesenog Programa raspodjele namjenskih sredstava iz ekoloških naknada Ministarstva prostornog uređenja i zaštite okoline za 2010. godinu, na koji je Vlada Tuzlanskog kantona dala saglasnost uz prethodno pribavljeno mišljenje Komisije za poljoprivredu, vodoprivredu, šumarstvo i zaštitu okoline Skupštine Tuzlanskog kantona.

U okviru podrške projektima iz oblasti zaštite okoline u općinama Tuzlanskog kantona finansirani su naročito projekti toplifikacije, kao i drugi projekti u oblasti zaštite okoline (čišćenje putnog pojasa, izgradnja kanalizacionih sistema, proširenje područja organiziranog skupljanja otpada, uređenje javnih površina, uređenje postojećih deponija otpada, nabavka specijalnih vozila za potrebe komunalnih djelatnosti i slično).

Tako je podržano 42 projekta općina iz oblasti zaštite okolice sa ukupnim iznosom od 1.477.860,00 KM, od toga je za projekte toplifikacije dodijeljeno ukupno 410.000,00 KM. Tako je općini Kalesija za uređenje deponije, čišćenje putnog pojasa i uređenje gradske tržnice dodijeljeno 96.200,00 KM; općini Tuzla za toplifikaciju, jačanje tehničkih kapaciteta komunalnog preduzeća i čišćenje putnog pojasa dodijeljeno 453.600,00 KM; općini Kladanj za uređenje kanalizacije i čišćenje putnog pojasa dodijeljeno je 39.000,00 KM; općini Banovići za toplifikaciju, uređenja parka i čišćenje putnog pojasa dodijeljeno je 81.800,00 KM; općini Dobož Istok za izgradnju kanalizacije i čišćenje putnog pojasa dodijeljeno je 49.200,00 KM; općini Živinice za izgradnju kanalizacije, uređenja gradskog parka, nastavak uređenja Rajskog jezera, uređenje šetališta, čišćenje putnog pojasa i odvođenje oborinskih voda dodijeljeno 228.400,00 KM; općini Sapna za izgradnju kanalizacije i čišćenje putnog pojasa dodijeljeno 34.980,00 KM; općini Gradačac za uređenje parka i čišćenje putnog pojasa dodijeljeno 175.600,00 KM; općini Srebrenik za projekte uklanjanje divljih deponija, čišćenje putnog pojasa i izgradnje kanalizacionih kolektora dodijeljeno 124.000,00 KM; općini Gračanica za projekte prikupljanja otpada, čišćenje putnog pojasa, projekti toplifikacije za pojedine škole i nabavka vozila za prikupljanje otpada dodijeljeno 154.980,00 KM; općini Čelić za čišćenje putnog pojasa i nabavku kontejnera za prikupljanje otpada dodijeljeno 22.800,00 KM i općini Teočak za uređenje lokacije za postavljanje kontejnera za komunalni otpad i čišćenje putnog pojasa dodijeljeno je 17.300,00 KM. Sredstva nisu dodijeljena općini Lukavac iz razloga što ista nije u potpunosti opravdala sredstva iz prethodne godine za dodijeljene projekte.

Na osnovu objavljenog javnog poziva za dodjelu sredstava za projekte iz oblasti zaštite okolice, dodijeljena su sredstva za projekte 56 nevladinih organizacija sa iznosom od 80.000,00 KM.

Putem javnog poziva izvršena je dodjela sredstava za projekte iz oblasti zaštite okolice (zamjeni peći i kotlovnica na čvrsto gorivo uvođenjem centralnog grijanja, uređenje i ozelenjavanje školskih dvorišta i slično) javnim ustanovama sa područja Tuzlanskog kantona (osnovne i srednje škole). Ukupno su finansirani projekti 20 javnih ustanova u iznosu od 201.750,13 KM.

Sredstva su dodijeljena za projekte iz oblasti zaštite okolice privrednim društvima u privatnom vlasništvu sa ukupnim iznosom od 150.000,00 KM. Odobrena su sredstva za 16 privrednih društava u privatnom vlasništvu koja su kandidovala projekte iz oblasti zaštite okolice koja su u ukupnom iznosu raspoređena prema slijedećem rasporedu:

- poboljšanje energetske efikasnosti (odobrena dva projekta u iznosu od 18.000,00 KM),
- unapređenje proizvodnje i korištenja obnovljivih izvora energije (odobren jedan projekat u iznosu od 11.000,00 KM),
- zamjene goriva u kotlovnica (odobrena tri projekta u ukupnom iznosu od 27.000,00 KM),
- unapređenje zbrinjavanja otpada (odobrena tri projekta sa ukupnim iznosom od 26.000,00 KM),
- smanjivanje opterećenja okolice sa aspekta smanjenja zagađenja voda (odobrena četiri projekta sa ukupnim iznosom od 48.000,00 KM) i
- druge projekte koji se odnose na očuvanje, zaštitu, obnovu i poboljšanje svih oblika okolice (zrak, voda, tlo) – (odobrena tri projekta u ukupnom iznosu od 20.000 KM).

Također su finansirani i projekti iz oblasti zaštite okolice za javna preduzeća u ukupnom iznosu od 277.600,00 KM. Odobrena su sredstva za 9 javnih preduzeća koja su kandidovala projekte iz oblasti zaštite okolice, a koja su u ukupnom iznosu raspoređena prema slijedećem rasporedu:

- poboljšanje energetske efikasnosti (odobren jedan projekat u iznosu od 34.800,00 KM),
- unapređenje korištenja obnovljivih izvora energije (odobren jedan projekat u iznosu od 24.000,00 KM),
- proširenje područja organiziranog skupljanja otpada (odobrena tri projekta u iznosu od 94.800,00 KM),
- smanjivanje opterećenja okolice sa aspekta smanjenja zagađenja voda (odobrena tri projekta u iznosu od 94.000,00 KM) i
- druge projekte koji se odnose na očuvanje, zaštitu, obnovu i poboljšanje svih segmenata okolice (zrak, voda, tlo) – (odobren jedan projekat u iznosu od 30.000 KM).

Ukupan iznos finansijske podrške projektima iz oblasti zaštite okolice je 2.187.210,13 KM.

6. Aktivnosti na adekvatnom upravljanju otpadom

Zbog zastoja u implementaciji projekta izgradnje regionalne sanitarne deponije od strane lokalne zajednice i općine Lukavac, Skupštini Tuzlanskog kantona je dostavljena informacija o problematici implementacije projekta izgradnje regionalne sanitarne deponije i stanja postojećih općinskih deponija sa prijedlogom mjera za prevazilaženje postojećeg stanja.

Takođe je, na inicijativu ovog Ministarstva, održano nekoliko sastanaka predstavnika Skupštine i Vlade Kantona sa predstavnicima općine Lukavac, koji ipak nisu rezultirali pozitivnim pomakom u pravcu realizacije projekta izgradnje regionalne sanitarne deponije.

Nakon toga je Ministarstvo od općine Lukavac zatražilo povrat sredstava dodijeljenih po Odluci o izmjenama i dopunama Odluke o određivanju lokacije za odlaganje čvrstog otpada („Službene novine Tuzlanskog kantona“, broj: 5/03), koja su utvrđena kao beneficije u obliku finansijskih sredstava. Obzirom da od strane općine Lukavac nije bilo spremnosti za povrat navedenih sredstava, podnesena je tužba radi povrata sredstava-duga u iznosu od 897.434,00 KM.

Sa druge strane, zbog lošeg iskustva iz Tuzlanskog kantona i drugih regija u realizaciji ovih projekata, po zahtjevu Ministarstva, donekle su ublaženi kriteriji Svjetske banke za korištenje novih kreditnih sredstava, te je utvrđena mogućnost finansiranja međuopćinskog deponovanja otpada (najmanje tri općine i 100.000 stanovnika). Nakon poziva svim općinama Tuzlanskog kantona jedino je općina Tuzla, zajedno sa još dvije partnerske općine (Sapna i Teočak), iskazala interes za korištenje preostalih sredstava kredita, a u svrhu sanacije općinske deponije „Desetine“. U toku 2010. godine vršene su slijedeće aktivnosti za sanaciju i uređenje deponije „Desetine“: nabavka mašina za rad na deponiji i kamiona za prikupljanje smeća, izvođenje zemljanih radova za pripremu terena za izgradnju reciklažne hale, sanacija klizišta i izgradnja potpornog zida, izgradnja reciklažne hale sa postrojenjem (oprema za reciklažu sa odvajanjem otpada: papir, karton, plastika, metal), nabavka opreme za manipulaciju i razdvajanje otpada u hali (elektroviličar, viljuškari), izgradnja ulazno izlazne zone sa kolskom vagom i rekonstrukcija upravne zgrade, izrada glavnog projekta za proširenje deponije i nabavka kontejnera za selektivno prikupljanje otpada.

Važno je napomenuti da su načelnici općina Srebrenik i Gradačac poslali Federalnom ministarstvu za okoliš i turizam pismo namjere o zajedničkoj saradnji ovih općina i povlačenju kreditnih sredstava Svjetske banke kojima bi se izvršila sanacija i produžio vijek trajanja postojeće općinske deponije „Višnjik“, Gradačac na koju bi se deponovao komunalni otpad iz ove dvije općine. Uslov za prihvatanje pisma namjere je postojanje projektne dokumentacije ili studije izvodljivosti za postojeće deponije. S obzirom da je ta projektna dokumentacija pripremljena, pismo namjere je prihvaćeno i u toku su aktivnosti na davanju garancija općina za vraćanje kreditnih sredstava.

Istovremeno je Ministarstvo, zbog lošeg stanja postojećih općinskih deponija, više puta pismeno upozoravalo općine o potrebi izrade planova prilagođavanja upravljanja otpadom i pribavljanje okolinskih dozvola. Podnošenjem zahtjeva za odobravanje Plana prilagođavanja nadležnom organu steći će se uslovi za rješavanje statusa postojećih općinskih deponija. Do sada su zahtjevi za odobravanjem Plana prilagođavanja podneseni za deponije u Srebreniku, Gračanici, Kladnju, Tuzli i Lukavcu. S obzirom da su kapaciteti navedenih deponija u nadležnosti Federalnog ministarstva za okoliš, Planovi prilagođavanja su upućeni nadležnom ministarstvu na rješavanje. U sklopu dodjele sredstava općinama za proteklu godinu podržani su između ostalih i projekti koje su kandidovale općine, a koji se odnose na uređenje postojećih deponija, uklanjanje divljih deponija, projekti selektivnog prikupljanja otpada i slično.

Problematika adekvatnog upravljanja otpadom je, zbog nastalih problema na implementaciji projekta izgradnje Regionalne sanitarne deponije i neadekvatnim odlaganjem otpada na postojećim općinskim deponijama sa visokim stepenom rizika po ljudsko zdravlje i okoliš, postalo pitanje od izuzetnog značaja. Zbog toga je Ministarstvo pokrenulo jedan od, u svijetu najčešće korištenih instrumenata za postizanje utvrđenih ciljeva vezanih za upravljanje otpadom, vrlo široku i dinamičnu Kampanju za podizanje javne svijesti o potrebi zaštite zdravlja stanovništva i životne sredine putem unapređenja upravljanja otpadom. Kampanja se odvijala na području cijelog Tuzlanskog kantona, trajala je 12 mjeseci, a završena je u junu 2010. godine. U toku trajanja kampanje vršene su sljedeće aktivnosti: početno istraživanje mišljenja javnosti, priprema vizuelnog identiteta kampanje i izrada web site-a, dizajniranje, izrada i emitovanje TV spotova i radio jinglova, emitovanje, izrada, štampanje i distribucija materijala, održavanje radionica za predstavnike općina i prezentacije projekta po općinama, održavanje TV emisija i okruglih stolova, organizacija posjete sanitarnim deponijama, organizacija prezentacija po školama i završno istraživanje mišljenja javnosti.

7. Ostali redovni poslovi iz oblasti zaštite okoline

Pored gore navedenih aktivnosti, tokom izvještajnog perioda rađeno je i na slijedećim aktivnostima:

- vršena je saradnja sa drugim ministarstvima Kantona po pitanju zaštite okoline,
- urađena su dva odgovora na poslanička pitanja i dvije informacije za Skupštinu Tuzlanskog kantona,
- izdate su dvije saglasnosti za obavljanje stručnih poslova mjerenja buke,
- pokrenut je postupak javne nabavke održavanja i nabavke opreme za Sistem za praćenje kvaliteta zraka, koji je jednom ponovljen zbog nedovoljnog broja kvalificiranih ponuđača, trenutno se vrše pripreme za ponavljanje ovog postupka,
- pored kontinuiranog praćenja kvaliteta zraka na području općine Tuzla, praćen je kvalitet zraka mobilnom imisionom stanicom u ljetnom i zimskom periodu u slijedećim općinama: Lukavac, Banovići, Živinice, Gračanica, Kladanj i Doboj – Istok. S obzirom da se mjerenja mobilnom stanicom vrše u općinama dva puta godišnje (u zimskom i ljetnom periodu po mjesec dana), iz tog razloga nije moguće u jednoj godini obuhvatiti sve općine Tuzlanskog kantona. Za sve navedene općine sačinjen je izvještaj o kvalitetu zraka i dostavljen općinama,
- proveden je postupak dodjele sredstava po javnom pozivu za ekološke projekte nevladinih organizacija u dva kruga,
- vršen je nadzor nad utroškom dodijeljenih namjenskih sredstava putem dostavljenih izvještaja o utrošku sredstava i neposrednim uvidom na terenu koji obavlja Komisija za vršenje nadzora nad korištenjem namjenskih sredstava iz oblasti zaštite okoline formirana od službenika i namještenika Ministarstva,

- vršena je koordinacija sa Kantonalnom upravom za inspeksijske poslove a posebno sa Inspektoratom za urbanizam, građevinarstvo, ekologiju i industriju,
- učestvovalo se u aktivnostima koje proizilaze iz saradnje sa nevladinim organizacijama iz oblasti zaštite okolice sa područja Tuzlanskog kantona,
- učestvovalo se u aktivnostima obilježavanja značajnih datuma koji se odnose na zaštitu okolice (obilježavanje 5. juna – Svjetskog dana zaštite okoliša),
- rađeni su izvještaji i informacije Skupštini Tuzlanskog kantona, Vladi i Federalnom ministarstvu okoliša i turizma o implementaciji projekta izgradnje regionalne sanitarne deponije i stanju općinskih deponija.

IV OPĆI, STAMBENI I KOMUNALNI POSLOVI

U okviru općih poslova rađeno je na pripremi, zajedno sa odjeljenjima i Zavodom za prostorno planiranje i urbanizam, svih zakonskih i podzakonskih akata iz nadležnosti Ministarstva, i to Zakona o prostornom uređenju i građenju, Zakona o osnivanju Javne ustanove Zaštićeni pejzaž „Konjuh“ kao i izmjena i dopuna Zakona o korištenju, upravljanju i održavanju zajedničkih dijelova i uređaja zgrade.

Obavljani su poslovi donošenja ili usaglašavanja drugih općih akata Ministarstva sa relevantnim zakonskim propisima, potom se radilo na izradi odluka o pojedinačnim pravima službenika i namještenika Ministarstva, odgovorima na zahtjeve općina i poslaničke inicijative za donošenje novih ili izmjene i dopune postojećih propisa, pitanja građana, privrednih subjekata, ombudsmena itd.

Vršile su se pripreme za internu i federalnu reviziju usaglašavanjem postojećih i donošenjem novih akata, te su se provodili postupci javnih nabavki stalnih i potrošnih sredstava za potrebe Ministarstva i za potrebe Zavoda za prostorno planiranje i urbanizam kao upravne organizacije u sastavu Ministarstva. Takođe je, samostalno ili u saradnji sa odjeljenjima odgovarano na sva poslanička pitanja, poslaničke inicijative itd.

Vršili su se poslovi dodjele koncesije radi realizacije projekta snabdijevanja grada Gračanice toplotnom energijom i projekta toplifikacije grada Srebrenika. Aktivnosti na dodjeli koncesija navedenim subjektima se nastavljaju.

Projekt snabdijevanja toplotnom energijom grada Gračanice je uspješno okončan davanjem saglasnosti ovom Ministarstvu, kao koncesoru, od strane Vlade Kantona za zaključivanje ugovora o koncesiji sa d.o.o. „Eko-toplane“ Gračanica. Potpisivanje ugovora je dogovoreno za 13. januar 2011. godine.

U navedenom periodu u oblasti stambenih poslova se radilo u skladu sa nadležnostima Ministarstva za navedenu oblast, a što se može prikazati kao:

- rješavanje predmeta u drugostepenom upravnom postupku,
- davanje smjernica prvostepenim organima iz ove oblasti,
- davanje odgovora po tužbama u upravnim sporovima, zahtjevima za vanredno preispitivanje sudskih odluka Vrhovnom sudu i apelacijama Ustavnom sudu,
- izrada izvještaja i informacija po traženju Ombudsmena Federacije BiH, i drugih relevantnih institucija,
- rad sa strankama,

- ostale aktivnosti u skladu sa propisima koji regulišu ovu oblast.

U ovoj oblasti u navedenom periodu primljen je 91 predmet, odnosno žalbe na prvostepene odluke, a iz prethodne godine prenesena su 3 predmeta, što ukupno čini 94 predmeta. Riješeno je 88 predmeta, tako što je odbijeno 53 žalbe, uvaženo 31 žalba i odbačeno 4 žalbe.

Takođe, primljeno je 39 novih tužbi i 51 presuda, u predmetima po pokrenutim upravnim sporovima, po kojima se postupilo u skladu sa zakonom.

Komisija za kontrolu zaključenih i/ili obnovljenih ugovora o korištenju stanova, formirana od strane ovog Ministarstva je tokom 2010. godine, vršila kontrolu navedenih ugovora u skladu sa brojem predmeta koji su bili pripremljeni od strane nadležne općinske službe (rješenja pravosnažna u upravnom postupku).

Postupajući po inicijativi općine Tuzla i Zaključku Skupštine Kantona, pripremljen je i u skupštinsku proceduru upućen Zakon o izmjenama i dopunama Zakona o korištenju, upravljanju i održavanju zajedničkih dijelova i uređaja zgrade. Zakon je u formi Nacrta utvrđen na sjednici Skupštine Kantona 31.05.2010. godine. Po završetku javne rasprave urađen je izvještaj o rezultatima javne rasprave, nakon čega je usmenim dogovorom sa predstavnicima Skupštine Kantona, odlučivanje o Zakonu odloženo za naredni period.

U oblasti korištenja, upravljanja i održavanja zajedničkih dijelova i uređaja zgrade, u okviru nadležnosti Ministarstva za vršenje nadzora nad primjenom Zakona o korišćenju, upravljanju i održavanju zajedničkih dijelova i uređaja zgrade, davana su određena uputstva nadležnim općinskim službama, vršena analiza postojećih zakonskih rješenja i sl.

U oblasti komunalnih poslova kontinuirano je vršen nadzor nad primjenom Zakona o komunalnim djelatnostima, rješavano je u drugom stepenu po žalbama izjavljenim protiv rješenja općinskih službi nadležnih za komunalne poslove i akata komunalnih inspektora (primljeno je 6 predmeta, od čega je pet žalbi odbijeno, a jedna uvažena), davane su smjernice i upute za postupanje u ovoj oblasti, te ostvarena saradnja sa Kantonalnom Privrednom komorom, javnim komunalnim preduzećima i drugim subjektima koji tretiraju oblast komunalnih djelatnosti.

V ZAVOD ZA PROSTORNO PLANIRANJE I URBANIZAM

U sklopu Ministarstva, od 01.10.2007. godine djeluje Upravna organizacija Zavod za prostorno planiranje i urbanizam. U skladu sa sistematizacijom radnih mjesta imenovan je samo direktor Zavoda, dok upražnjena dva radna mjesta stručnih saradnika predviđenih sistematizacijom, u proteklom periodu još uvijek nisu popunjena. Kako bi se osiguralo provođenje Zakonom propisanih obaveza kao i nesmetano odvijanje utvrđenih programskih aktivnosti koje stoje pred Zavodom u narednom periodu, neophodno je dalje kadrovsko jačanje Zavoda za prostorno planiranje i urbanizam, odnosno popuna radnih mjesta u skladu sa sistematizacijom.

I pored nedostatka stručnog kadra, u izvještajnom periodu u Zavodu su, u skladu sa nadležnostima, provedene sve aktivnosti u cilju realizacije Programa rada Ministarstva za 2010. godinu.

1. Praćenje i analiza stanja u prostoru Tuzlanskog kantona u cilju implementacije Prostornog plana i unapređenja efikasnosti korištenja prostora.

Prostornim planom i Odlukom o provođenju Prostornog plana za područje Tuzlanskog kantona za period 2005. - 2025. godine, propisana je obaveza praćenja stanja u prostoru i izrade

obaveznih planskih dokumenata, te su, u skladu sa navedenim, u izvještajnom periodu u Zavodu urađeni slijedeći poslovi:

- Praćenje i poticanje provođenja Prostornog plana s ciljem efikasnog korištenja, upravljanja i zaštite prostora Tuzlanskog kantona. U pojedinačnim slučajevima, za određene komplekse i lokalitete, vršena je provjera planiranih namjena korištenja zemljišta za tražena područja, te izdavanje stručnih mišljenja za iste i izvoda na osnovu Prostornog plana Kantona. U izvještajnom periodu izdato je 6 izvoda iz Prostornog plana, te 9 stručnih mišljenja o usklađenosti traženih načina korištenja zemljišta na pojedinačnim lokalitetima sa utvrđenim namjenama u Prostornom planu Kantona i sa zakonskom regulativom.

- Od ostalih aktivnosti vezanih za praćenje implementacije Prostornog plana ističe se koordiniranje i pružanje stručno-savjetodavne podrške općinama u pripremi i izradi prostornih planova općina i ostale planske dokumentacije, te davanje saglasnosti na odluke o pristupanju izradi planskih dokumenata prostornog uređenja. Tako su u izvještajnom periodu date nadležnim općinskim službama 4 saglasnosti na Odluke o pristupanju izradi detaljnih planskih dokumenata, sa određenim preporukama i smjernicama za rad.

- Kontinuirano praćenje pripreme, izrade i donošenja obaveznih planskih dokumenata u općinama putem kontakata sa nadležnim općinskim službama i pružanjem stručnih savjeta i prijedloga vezano za izradu neophodnih pripremnih dokumenata (odluka, programa i plana aktivnosti, smjernica i sl.), potom korištenja studija urađenih za potrebe izrade Prostornog plana kantona i slično.

- Urađena je analiza stanja prostornog uređenja na području Kantona, kao i analiza stanja na izradi obaveznih planskih dokumenata u općinama, te je na osnovu navedenog, urađen godišnji Izvještaj o stanju prostora i provođenju Prostornog plana kantona za 2009. godinu za potrebe Federalnog ministarstva prostornog uređenja.

- Također su vođene aktivnosti vezano za praćenje planiranja i izgradnje kapitalnih infrastrukturnih objekata od važnosti za Federaciju i Kanton, a sve u cilju zaštite prostora i interesa Kantona, te valorizovanja planiranih trasa i koridora. Tako su koordinirani dogovori u vezi trase magistralne ceste M-18 Tuzla (Šićki Brod) – Sarajevo sa JP Direkcijom cesta Federacije BiH i sa općinama kroz čije područje prolazi navedeni magistralni putni pravac. Aktivnosti u vezi sa istim nastaviti će se i u narednom periodu.

2. Uspostavljanje i održavanje jedinstvenog informacionog sistema (GIS-a) prostornog planiranja i uređenja Kantona

Nastavljene su aktivnosti na uspostavljanju i održavanju jedinstvenog geoinformacionog sistema (GIS-a) prostornog planiranja i uređenja Tuzlanskog kantona. Kompletirana je centralna baza postojećih digitalnih podataka iz Prostornog plana Tuzlanskog kantona, te je izvršena djelimična aktualizacija istih, korištenjem svih raspoloživih resursa. Organizovano je prikupljanje podataka propisanih Uredbom o sadržaju i nosiocima jedinstvenog sistema, metodologiji prikupljanja i obradi podataka, te jedinstvenim obrascima na kojima se vodi evidencija, od nadležnih ministarstava, općina i drugih subjekata. Međutim, dobiveno je veoma malo traženih podataka na način kako je to propisano Uredbom (jedinstveni obrasci). Navedeno se naročito odnosi na općine, koje nisu u skladu sa obavezom propisanom Uredbom formirale baze podataka na nivou općina, te nisu niti dostavile tražene podatke. Od strane općina su na zahtjev Ministarstva, jedino dostavljeni izvještaji o izradi planske dokumentacije iz njihove nadležnosti.

Na osnovu naprijed navedenog jasno je da nije bilo moguće kreirati bazu podataka u skladu sa zakonskom obavezom, ali i pored toga, vođene su aktivnosti na uspostavljanju jedinstvenog informacionog sistema, te je na osnovu raspoloživih i prikupljenih nepotpunih podataka urađena osnovna baza podataka za područje Kantona na jedinstvenim obrascima, koja će se u narednom periodu kontinuirano pratiti, dopunjavati i aktualizirati.

Takođe je značajno istaći da kreiranje jedinstvenog informacionog sistema za područje Kantona na način kako je propisano Uredbom nije bilo moguće realizirati i s obzirom na nedostatak materijalnih sredstava za izradu potrebnih aplikacija, kao i zbog nemogućnosti prijema, odnosno popune radnog mjesta sa specifičnim stručnim kvalifikacijama - stručnog saradnika za uspostavljanje i održavanje GIS-a.

Napominjemo da je u novembru 2010. godine, sa manjim raspoloživim sredstvima (4366,78KM), nabavljena jedna aplikacija za GIS (licenca Gauss Lupis) koja će, uz popunu radnog mjesta stručnog saradnika za uspostavljanje i održavanje GIS-a, biti osnova za kreiranje baze podataka u skladu sa propisanom zakonskom obavezom, a na način kako je to definisano pomenutom Uredbom.

3. Ostali poslovi

U odnosu na planirane aktivnosti, u poslovima vezanim za normativnu djelatnost, urađeno je sljedeće:

- Urađeni su i proveden je postupak usvajanja pripremljenih dokumenata za izradu Prostornog plana područja posebnih obilježja od značaja za Kanton – Zaštićeni pejzaž „Konjuh“ i to:
 - Odluke o pristupanju izradi Prostornog plana posebnih obilježja Zaštićeni pejzaž „Konjuh“ i
 - Programa i plana aktivnosti za pripremu i izradu Prostornog plana posebnih obilježja Zaštićeni pejzaž „Konjuh“

Navedeni dokumenti, Odluka i Program i plan aktivnosti, razmatrani su i usvojeni na sjednici Skupštine Tuzlanskog kantona koja je održana 29.04.2010. godine, te su objavljeni u Službenim novinama Tuzlanskog kantona broj 06/2010.

Napominjemo da u protekloj godini nismo bili u mogućnosti realizovati aktivnosti koje su utvrđene navedenim Programom, a koje se odnose na započinjanje i izradu prve faze Prostornog plana posebnih obilježja Zaštićeni pejzaž „Konjuh“. Naime ovo Ministarstvo uradilo je sve potrebne predradnje (urađen Projektni zadatak za izradu Prostornog plana posebnih obilježja, pripremljena tenderska dokumentacija, urađen prijedlog i potrebni akti za formiranje Savjeta Prostornog plana i dr.). Međutim, zbog poznate situacije sa nedostatkom sredstava u Budžetu Tuzlanskog kantona, nisu bila obezbijedena sredstva za ovu namjenu, te se nije moglo pristupiti raspisivanju konkursa na kome bi se izabrao nosilac izrade navedenog Prostornog plana.

- U skladu sa planiranim programskim aktivnostima, uzeto je aktivno učešće u pripremi i izradi novog Zakon o prostornom uređenju i građenju Tuzlanskog kantona.

U sklopu ostalih planiranih aktivnosti kontinuirano se pratila izrada i donošenje obaveznih planskih dokumenata i drugih dokumenata i propisa određenih Zakonom o prostornom planiranju i korištenju zemljišta na nivou Federacije BiH (Prostorni plan Federacije BiH – prva faza, uredbe i

pravilnici doneseni na osnovu postojećeg Zakona, Odluke Komisije za očuvanje nacionalnih spomenika itd....), te je urađeno slijedeće:

- Evidentirane su i analizirane sve izmjene i dopune Zakona o prostornom uređenju i korištenju zemljišta na nivou Federacije BiH koje su usvojene od strane Parlamenta Federacije, te propisane Uredbe koje su donesene na osnovu navedenog Zakona, te su, u skladu sa obavezom usaglašavanja kantonalnog zakona o prostornom uređenju sa Federalnim u roku od šest mjeseci od dana stupanja na snagu istog, pripremljene sve potrebne odredbe vezano za usaglašavanje i iste su ugrađene u novi tekst prijedloga Zakona o prostornom uređenju i građenju Tuzlanskog kantona.

- Provedene su potrebne aktivnosti i date konkretne primjedbe i sugestije vezano za digitalne topografske karte Federacije BiH u razmjeri 1:200 000, kao i digitalni ortofoto Federacije BiH u razmjeri 1:5000, te multifunkcionalnu bazu podataka, urađenu za potrebe izrade Prostornog plana Federacije BiH, a koje je Federalno ministarstvo prostornog uređenja prosljedilo ovom Ministarstvu uz zahtjev da se izvrši detaljan pregled projekta koji se odnosi na područje Tuzlanskog kantona. S obzirom da su svi digitalni podaci predmetnog projekta dostavljeni ovom Ministarstvu na eksternom hard disku sa kojeg nije bila moguća distribucija općinama, urađena je priprema istih za potrebe svake općine pojedinačno. Naime, za svaku općinu ovo Ministarstvo je pripremio po dva DVD-a sa ortofoto planovima koji se odnose na područje te općine, sa digitalnom topografskom kartom Federacije BiH u razmjeri 1:200 000 i multifunkcionalnom bazom podataka, te pripremljenom instalacijom ProViewer, kako bi općine bile u mogućnosti, bez obzira sa kakvom opremom raspolažu, pregledati i koristiti dostavljene podatke za izradu planske dokumentacije u općini. Održani su sastanci sa predstavnicima općina, prikupljene su i date od strane Ministarstva primjedbe i sugestije na navedeni projekt, iste su dostavljene Federalnom ministarstvu, a zatim je uslijedila koordinacija sa predstavnicima Federalnog ministarstva u cilju otklanjanja dostavljenih primjedbi, što je na kraju rezultiralo ugradnjom svih dostavljenih primjedbi koje se odnose na prostor Tuzlanskog kantona u konačno završeni projekat. Projekt digitalni ortofoto Federacije BiH urađen je u ArchGis Softveru na osnovu avionskih i satelitskih snimaka iz 2008. godine od strane Konsultanta Angermeier Ingeniuere GmbH iz Njemačke za potrebe izrade planskih dokumenata iz nadležnosti Federacije BiH, kantona i općina u Federaciji BiH. Navedenim softverom, ovo Ministarstvo ne raspolaže.

Na zahtjev ovog Ministarstva, od Federalnog Ministarstva prostornog uređenja izvršeno je preuzimanje konačnog Projekta Digitalni ortofoto Federacije BiH, te će isti početkom 2011. godine, biti stavljen na raspolaganje svim općinama Tuzlanskog kantona za potrebe izrade planske dokumentacije i uspostavljanje baze podataka.

VI IZVJEŠTAJ O UTROŠKU BUDŽETSKIH I NAMJENSKIH SREDSTAVA

Ministarstvu je, u skladu sa programom i planom rada, odobren budžetski zahtjev za 2010. godinu u ukupnom iznosu od 3.855.572,00 KM, od čega iz vlastitih i namjenskih 3.032.301,00 KM, a iz budžetskih 823.271,00 KM.

Iznos od 823.271,00 KM, raspoređen je na ime tekućih izdataka.

Rebalansom budžeta Tuzlanskog kantona došlo je do izmjena Budžeta Ministarstva tako da je odobren ukupan iznos od 3.854.185,00 KM, od čega iz vlastitih i namjenskih 3.032.301,00 KM, a iz budžetskih 821.884,00 KM.

Iznos od 821.884,00 KM raspoređen je na ime tekućih izdataka, koji obuhvataju plaće i naknade troškova zaposlenih i materijalne troškove Ministarstva.

Ukupan iznos utrošenih namjenskih sredstava za zaštitu okolice je 2.417.293,83 KM.

Ukupan iznos finansijske podrške projektima iz oblasti zaštite okolice je 2.187.210,13 KM.

Na ime projekata zaštite i unapređenja okolice općinama su dodijeljena sredstva u ukupnom iznosu od 1.477.860,00 KM.

Za projekte nevladinih organizacija iz oblasti zaštite okolice odobrena su i dodijeljena sredstva u iznosu od 80.000,00 KM, a za javne ustanove u iznosu od 201.750,13 KM, u skladu sa Programom raspodjele namjenskih sredstava.

Na ime podrške projektima iz oblasti zaštite okolice, a po javnom pozivu, privrednim društvima sa područja Tuzlanskog kantona dodijeljena su sredstva u iznosu od 150.000,00 KM i javnim preduzećima u iznosu od 277.600,00 KM.

Za potrebe održavanja i rezervne dijelove sistema za kontrolu kvaliteta zraka isplaćena su sredstva u iznosu od 98.301,00 KM, za potrebe Zaštićenog pejzaža „Konjuh“ 50.000,00 KM, za isplatu preostalog ugovorenog iznosa za kampanju usmjerenu na podršku upravljanju otpadom 42.314,00 KM, te za potrebe tekućeg održavanja sistema za kontrolu kvaliteta zraka iznos od 39.468,70 KM.

Preostali iznos od 615.007,17 KM biće prenesen u narednu godinu.

VII PRIJEDLOG MJERA

Izvještajem o radu Ministarstva prostornog uređenja i zaštite okolice prikazane su aktivnosti Ministarstva za period 01.01. – 31.12.2010. godine.

U interesu daljeg efikasnog i kvalitetnog nastavka aktivnosti Ministarstva, na osnovu izvršene analize dosadašnjeg rada, smatramo da je u narednom periodu potrebno preduzeti slijedeće mjere:

1. Intenzivirati aktivnosti na izradi i dosljednom provođenju planskih dokumenata na prostoru Kantonu (prostornih planova općina i drugih planskih dokumenata),
2. Intenzivirati aktivnosti na „legalizaciji“ ranije bespravne gradnje i potpunom sprečavanju nove bespravne gradnje (donošenjem izmjena i dopuna zakona, inicijativama za izmjene drugih propisa i sl.),
3. U saradnji sa općinama i Kantonalnom upravom za inspeksijske poslove raditi na hitnom osposobljavanju inspeksijskih službi u oblasti prostornog uređenja i građenja u pravcu njihovog kadrovske i materijalnog obezbjeđenja (obezbijediti popunu radnog mjesta kantonalnog inspektora i adekvatnu popunu općinskih inspeksijskih službi),
4. U potpunosti, kadrovski i materijalno, osposobiti kantonalni Zavod za prostorno planiranje i urbanizam,
5. Nastaviti aktivnosti, uz uključenje svih relevantnih organa i predstavnika političkih stranaka, na realizaciji projekta regionalne deponije komunalnog otpada,

6. Nastaviti aktivnosti na mjerenju kvaliteta zraka, analizi rezultata, te preduzimanju aktivnosti na smanjenju zagađenja zraka i ostalih segmenata okolice,
7. Kontinuirano pratiti efekte primjene propisa iz nadležnosti Ministarstva i vršiti njihovo usklađivanje.

Bosna i Hercegovina
Federacija Bosne i Hercegovine
Ministarstvo prostornog uređenja
i zaštite okolice

MINISTRICA

Jadranka Miraščić

Broj: _____
Tuzla, _____